



Ferrol 9.7.2011. Fraga de Menáncaro (Ferrol). O Tribunal Supremo confirmou, a anulación do Proxecto de Urbanización na Fraga de Menáncaro (Ferrol), onde, se pretendían a construción, en plena Fraga de Menáncaro, de 69 Chalets e un hotel de luxo.

Tras moitos anos de loita de entidades ecoloxistas, outros colectivos e veciñanza [ADEGA, SGHN , Verdegaiia ,Greenpeace Comunidade Menáncaro, Colectivo Artabra 21, EU, Xoaninha, ...] ,unha sentenza do Tribunal Supremo reforza a protección integral da Fraga de Menáncaro.A Sala Terceira do Tribunal Supremo do Contencioso-Administrativo, ven confirmar a [Sentenza do TSXG 01131/2009](#)

(1) , que xa ditara -o 5 de Novembro de 2009, a Sección Segunda da Sala do Contencioso-Administrativo do Tribunal Superior de Xustiza de Galicia -TSXG, que se pronunciara, a favor da veciñanza de Menáncaro, estimando o seu Recurso contra [Acordo Plenario do Concello de Ferrol do 20 de Abril de 2007](#)

, no que se aprobou "

definitivamente

" o Plano de Sectorialización de Menáncaro

, anulando deste xeito o ilegal acto administrativo por ser contrario a dereito

.

A *Fraga de Menáncaro* é unha das poucas manchas de bosque autóctono que se conserva no concello, xunto coa *Fraga de Monte Fontelo (A Graña), Fraga da Pega*

e da Casa do Monte

(Leixa) e o

Acibreiral das Forxas

(Covas), espazos naturais que tamén se deberían conservar e protexer. Un dos feitos que fai de Menáncaro unha zona cunha carballeira singular é a presenza de individuos centenarios de porte excepcional, base dun bosque maduro e de gran biodiversidade.

A Fraga é unha mostra de bosque potencial desenvolvido, practicamente desaparecido noutras zonas de Ferrol. Un dos principais valores é a súa singularidade, dada a case ausencia de formacións de carballeiras en Ferrol. O habitat natural de Menáncaro, a protexer, está formado por un bosque ripario que ocupa as marxes do río, unha zona da carballeira que se imbrica coa

aliseda riparia e zonas de prado húmido nas marxes do bosque ripario.

O seu bosque ripario de grande singularidade é valor foi parcialmente talado, de forma ilegal por dúas veces: a primeira vez en 2001, pola agora empresa promotora da urbanización *SAT Agropino*

, de

Amando Romero Castrillón

; e a segunda vez por

[unha actuación de Fenosa](#)

, empresa coa que se chegou a un acordo para que fixera unha serie de actuacións, que xa están en marcha, para preservar a Fraga no seu conxunto.

Este é un dos maiores éxitos ecoloxistas na comarca.

Información adicional e completa: <http://menancaro.blogspot.com/2011/07/o-supremo-dita-sentanza-firme-contr-o.html>

(1) [Sentencia.Menancaro.2011.TSXG.pdf](#)